

WWW.INARI.FI/EN

INARIN KUNTA
PIISKUNTIE 2
99800 IVALO


INARI
Aanaar Aanaar Anár



INARINKUNTA



INARIN KUNTA



INARINKUNTAAN



GÁVCCI JAGIÁIGGI ANÁR

Duovdagis, man davvi guovllu duoddarat, jávrrit ja jogat leat hábmen, eallá fámoláččat Suoma stuorámus gielda.

Luondu lea anárlaččaide sihke identitehta oassi ja ealáhusa gáldu. Geasi ijahis ijain beaivváš ii máša njiedjat idjii olláge ja dálvit dat vuoiŋnasta skápma áigge albmeravdda vulobealde ja luobaha seammás čuovggas vilges muohttagii, mánnui ja guovssahasaid dásii.

KULTUVRRAID DEAIVVADANSADJI

Sámekultuvrra guovddážin, ja Norgga ja Ruošša rádjeránnján Anáris lea bohtán kultuvrraid deaivvadansadji ja riikkaidgaskasašvuohta lea anárlaččaide lunddolaš. Riikkaidgaskasašvuođa ja sajádaga lassin

máŋgasat gávdnet Anárii go luondu ja buorit áigeádjevejolašvuođat geasuhit, nuppit bohtet barggu ja oahpuid maŋis. Njealji virggálaš giela gielddas olmmošlohku lea lassánan juo logijagi.

ANÁR – FÁMOLAŠ LUONDDUSTIS

Anára gieldda ovddidanbarggus atnit árvvus báikkálašvuođa, searvvušlašvuođa, roahkkatvuođa ja vásttolašvuođa mearkkašumi, ja maid eallinfámu, luonddu suvdilis geavaheami, sápmelašvuođa ja buori eallima eavttuid.



Inarin koulukeskus Šielä



ANÁRLAŠ ÁRGA JA ASTOÁIGI

ÁIDNALUNDDOT BÁLVALUSAT

Njuovžilis árga šaddá buriid vuodđo-bálvalusaid gurrii. Anára birra jándora gohcci dearvvašvuodaguovddáš lea Avvilis ja gieldda golbma beaiveruovttu ja vuodđoskuvlla fáallet dorvvolaš árrabajásgeassima ja alladását vuodđooahpahusa. Bearraša nuoramusat sáhttet joatkit oahpuid ruoktogiieldda logahagas dahje Sámi oahpahusguovddášis, mii fállá nuppi dási ámmátlaš skuvlejumi sierra surggiide.

DAHKAMUŠ BIRRA JAGI

Loavtte astoáiggi bagadallon lihka-deamis, rávesolbmuidskuvlla kurssain, ealligovvateáhtera addámušain návddašettiin, dahje attedettiin miellagovahusa jodihit du Avvila oaivegirjeráju, Anára

sámegirjeráju ja girjebusse valljodagaid olis. Anáris luonddus johtin gullá árgii ee. meahccebivdui, guollebivdui, vándardeapmái ja čuoigamii. Gielddas gávdnojit maiddá ollu sierralágan lihkadanbáikkrit, luisten- ja valástallangiittit, ja maid vuojadanhálla.

Anárvahkut, eamiálbmogiid musihkkadáhpáhus Ijahis Idja ja filbmafestivála Skábmagovat, ja maid miehtá gieldda ordnejuvvon mánggat eará dáhpáhusat fáallet áidnalunddot vásáhusaid. Sámekultuvrra Anáris ovddastit Sámemusea Siida ja Sámekulturguovddáš Sajos, gos doaibmá maiddái Sámediggi.





ÁSSAN & RUOKTU ANÁRIS

RUOKTU LUONDDUS DAHJE BÁLVALUSAID LAHKA

Anáris sáhtát ássat láigovisttis dahje oamastusvisttis sihke luonddu lahka ja bálvalusaid guoras.

Inarin Vuokra-asunnot Oy láigoha sihke ovttalanjatvisttiid ja bearašvisttiid Anáris, Avvilis, Suoločielggis, Njellimis ja Čeavetjávrris.

ležas ruovttu huksemis movttiidan olmmoš sáhtta várret friija lávvaguovluin tontte. Oahpásmuva friija tonttiide gieldda kártábálvalusas ja váldde huksenlohpeáššiin oktavuoda huksenbearráigehččui. Tonttiid vuvdet maiddái Meahciráđđehus ja priváhta eanaeaiggádat.





FIDNOŠEAPMI & SIERRA DOAIBMASUORGGIT

DAVVIVUOHTA LEA GIVRODAT

Anárlaš fitnodatdoaibma lea ealas ja doaibmabiras movttiidahtti. Fitnodagat ovttasbarget ollu iežaset doaimmaid ovddideami várás ja barggut gávdnojit mángga suorggi áššedovdiide. Ovdamearkan mángasat barggolaš ássiin ožžot barggu bálvalansurggiin.

Gieldda fitnodat- ja ovddidanbálvalusat dorjot odđa fitnodaga vuodđudeami ja veahkehit doaibmi fitnodaga ovddideamis. Doaibmabirrassa ja ealáhusaid ovddideami doarjut iešguđetlágan prošeavttaiguin.

EALÁHUSAID GEASÁN

Guovllu olbmuid birrajkásaččat barggu addi mátkeealáhussuorgi fállá sesonjaáigge barggu maiddái sesonjabargiid stuorra jovkui. Mátkeealáhusa eallinfápmu ovddiduvvo gielddas suvdilit, nu ahte gudnejahttit luonddu ja kultuvrra. Dasa lassin Anáris deattuhuvvojit árbevirolaš ealáhusat, erenomážit guollebivdu ja boazodoallu, ja maid duddjoma ovddideapmi mátkeealáhusa lassin.

INSPIRAŠUVDNAN ÁRKTALAŠVUOHTA

Mángga báikkálaš fitnodaga bures birgema suollemasvuohta gávdno luonddus ja davvi diliin. Seamma áigge go duojárat, luonddubuvttafidnošeaddjit ja kreatiiva suorggi ámmátolbmot ožžot inspirašuvnna árkatalaš luonddus, davvi guovllu hástaleaddji luonddudilit geasuhit galbmateknologiiija ja testensuorggi njunuš áššedovdiid. Ovdamearkan Avvilis testejuvvojit sihke vuodjinfiervrut ja daid rieggát ja komponenttat jienja alde, muohttagis ja galbmasis. Áidnalunddot luonddu ja buori olahttivuođa ánsus Anár lea maiddái erenomáš miellagiddevaš báiki audiovisuála buvttademiid ollašuhttimii.

OLAHAHTTIVUOHTA OVDDABEALDE

Buorit johtinoktavuođat, dego riikkaidgaskasaš girdingieddi, dahket Anáris álkit olahtti ja dahket vejolažžan fitnodatdoaimma riikkaidgaskasaš ovddideami. Digitála oktavuođaid geažil gáidusbargan ja -studeren lihkestuvvet njuovžilit.



ANÁRA GILIT

VIIDDES, ÁIDNALUNDDOT GILIGUOVDDÁŽIID GIELDA

Anára stuorámus giliguovddážat leat Avvil, Anár ja Suoločielgi. Aktiivvalaš gilisearvvit leat oktiibuot 16.

Juohke gilis lea iežas áidnalunddot luondu; Avvil lea giliin olmmošlogu dáfus riggáin ja gieldda hálddahuslaš guovddáš. Anár, mii lea Juvduujoga

ja Ocomâšduoddara guoras, dollojuvvo Suoma sámekultuvrra guovddážin. Čeavetjávri lea fas nuortalaš kultuvrra ja Njávdán Norgga rádjegávppi guovddáš. Suoma davimus čuoiganguovddáš lea Suoločielggis.



Jagis 1876 vuodđuduvvon Anára gielddas leat njealje virggálaš giela; anárašgiella, nuortalašgiella, davvisámegiella ja suomagiella.

Gieldda vearjogova lea Ahti Hammar plánen. Vearjogova sevdnjes vuodus vuojada Anára árbevirolaš ealáhusaid symbolan silba čuovža golle bohccočoarvvit oaivvistis.

Anára ássiidlohku lea lassánan juo logijagi. Jagi 2024 loahpas anárlaččat ledje 7224.

Avvila riikkaidgaskasaš girdingieddi lea EU davimus ja dat bálvala badjel 200 000 mátkkošteaddji jagis.

Anára gieldda viiddes 17 334 km² viidodagas reahkká juohke ássi nammii juobe 2,5 km².

Viidodagas 13 % leat čázádagat ja badjel 70 % suodjaluvvon guovllut, maida gullet earret eará Urho Kekkosa ja Leammi álbmotmeahcit.